



Ukuhlomisa izingane zethu  
ngelikusasa

SS 1

Isihloko sesifundo: Amadoda amathathu asesithandweni  
somlilo.

# Umhlahlandlela womzali

Isikole sangeSonto    Isikole sasekhaya



# Mzali Othandekayo

Uyamukelwa kusifundo: Amadoda amathathu asesithandweni somlilo.

Lomqulu ukunika umhlahlandlela ofanele wokuba ungasethula kanjani lesi sifundo.

## Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	<p>Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: <a href="https://bit.ly/3NACSSH5">https://bit.ly/3NACSSH5</a></p>
2.	<p>Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo:</p> <ul style="list-style-type: none"> <li>• IBhayibheli</li> <li>• Isifundo ngefomethi ye-PDF esivele silungisiwe</li> <li>• Incwadi yengane yokusebenzela kanye namapensele, amakhilayoni, njll.</li> <li>• I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho</li> <li>• Ikhathekizimu yemibuzo nezimpendulo (Ikakhulukazi kulesisifundo sesiQinisiso).</li> </ul> <p>Qaphela:</p> <p>2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile.</p> <p>2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho!</p> <p><i>Isikole sangeSonto ngokuvamile asidluli imizuzu engama-45.</i></p> <p>2.3: Lesisifundo silungele ibanga – SS 1.</p> <p>2.4: Uyacelwa uthinte uThisha wakho uma udinga noma yiluphi usizo noma uma udinga ezinye izinsizakufunda kulezi ezingenhl.</p>
3.	<p>Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.</p>



## Fundisa lesisifundo sesikole sangeSonto ekhaya

### Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo.  <i>Isibonelo:</i> Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

### Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



# Isifundo

Isihloko	Amadoda amathathu asesithandweni somlilo.
Umbhalo weBhayibheli	Daniyeli 3: 1 – 30
Inhloso yesifundo	Izingane zifunda ukubona izinga eliphakeme lamandla, nokwethemba kanye nokugxila okuvela ekuthembeni uNkulunkulu ngokuphelele. Izingane zifunda ukumazi uNkulunkulu njengoMsindisi wazo lapho zimdinga.

## Isifundo esifingqiwe:

- INkosi uNebukadinesari wakha isithixo wamisa umthetho embusweni wakhe wokuba sikhonzwe.
- Izinsizwa ezintathu zenqaba ukukhothama zikhuleke ukukhonza lesithixo.
- Babezimisele ukulandela uNkulunkulu noma ngabe kunjani.
  - Baphonswa esithandweni somlilo njengesijeziso.
- Kuthe lapho inkosi ibheka, yabona ukuthi sekunamadoda amane -4 esithandweni somlilo.
- Ngenkathi amadoda amathathu ephuma esithandweni somlilo, awashiswanga amalangabi omililo futhi awazange anuke ngisho nephunga lentuthu.
- Ngalokhu uNebukadinesari ubona amandla kaNkulunkulu wabese umemezela ubukhulu bukaNkulunkulu embusweni wakhe.

## Ingabe sisho ukuthini lesisifundo kithina namhlanje na?

- Lesi sifundo sisifundisa ukuthi:
- UNkulunkulu wethu unamandla.
  - Kumele sithembele kuye ngisho noma izinto zibukeka zithusa.
  - Kumele sime siqine, ngisho noma abangane bethu bafuna senze izinto uMama noBaba abangafuni ukuba sizenze.
  - Kumele sithembele ngokuphelele kuNkulunkulu.



Eminye imibuzo esingayibuza:

Yini oyikhumbulayo ngesifundo na?

1. Yini eyakhiwa inkosi uNebukadinesari na?

*Impendulo:* Isifanekiso / isithixo.

2. Yini ayefuna abantu bayenze phambi kwesithixo / isifanekiso na?

*Impendulo:* Baguqe phansi / badumise isifanekiso / isithixo.

3. Ingabe bonke abantu bayilalela inkosi na?

*Impendulo:* Cha.

4. Kwenzekani ngamadoda amathathu angalalelanga inkosi na?

*Impendulo 1:* Bajeziswa.

*Impendulo 2:* Baboshwa.

*Impendulo 3:* Baphonswa emlilweni omkhulu.

5. Kwenzekani emadodeni amathathu ngaphakathi esithandweni somlilo na?

*Impendulo 1:* UNkulunkulu wathumela ingelosi ukuba ibavikele.

*Impendulo 2:* Abazange bashe.

6. Yasabela kanjani inkosi lapho ibona umuntu wesine emlilweni na?

*Impendulo:* INkosi yathi uNkulunkulu wabo uthumele ingelosi wasindisa labo "abathembela kuYe futhi abangakhonzi omunye uNkulunkulu. Akekho omunye uNkulunkulu ongasindisa ngokumangalisayo ngalendlela!"

**UMkhuleko kaBaba noMama ngaphambi kwesifundo:**

*Nkosi ethandekayo.*

*Ngiyabonga ngalolusuku.*

*Ngiyabonga ngokuvikelwa kanye nothando lwaKho.*

*Ngisize ukuqondisa inhliziyo yami nomqondo*

*Kulokho engizokufunda.*

*Kwangathi ngingakhumbula njalo ukuthemba Wena ngokuphelele.*

*Ngiyakubonga ngezibusiso zami zonke.*

*Ngiyakuthanda Baba.*

*Amen.*